

## **Resolución de la Mocedá Comunista de sofitu al Proyeutu 2018 de la Xunta pola Defensa de la Llingua Asturiana**



*Siero, 4 de Payares de 2017*

La Mocedá Comunista, como organización que defende los intereses de la mocedá asturiano, sofita'l Proyeutu 2018, presentáu pola Xunta pola Defensa de la Llingua Asturiana, col oxetivu de que s'entame l'añu próximu una reforma del Estatutu d'Autonomía d'Asturies, incluyendo la oficialidá del asturianu y del gallego-asturiano.

N'Asturies vívese una esceición nel marcu llingüísticu estatal, yá que, mientras n'otres comunidaes autónomes con idioma propiu distintu al castellanu, ésti ye oficial, la llingua asturiana ta llegalmente marxinaada. La llexislación actual, además de nun correspondese cola sociedá y les formes de comunicación d'anguaño, nun garantiza los derechos de les persones asturfalantes, sinón que más bien les discrimina, torgándo-yos la posibilidá de vivir con normalidá na so llingua.

Na llexislatura presente hai na Xunta Xeneral la representación favorable a la Oficialidá más abultada de la historia, de sobra p'aniciar una reforma estatutaria y llevar al parlamentu esta reclamación pola que tantu tiempu vien clamando'l pueblu asturianu. Nesti contestu ye nel que sofítamos el Proyeutu 2018 y facemos un llamamientu a toles fuerces polítiques que se consideren democrátiques a sumase a ello, porque llegó la hora d'acabar con imposiciones y respetar los derechos del pueblu asturianu.